

ILINNIAGAQARTUNUT SAQQUMMERSITSIVIK:

Kalaallit Nunaannut angerlarnissamut ajornannginnerulersitsisinnavaoq

Ilinniagaqartut maanna periarfissaqalerput immikkut piginnaasaminnik kalaallinut inuussutissarsiortunut nittarsaannissaannut peqatigiiffik Nukigap digitalikkut saqqummerfik aqqutigalugu

Jørgen Schultz-Nielsen

Ukiunik pingasunik pisoqaassusilip peqatigiiffiup Nukigap immikkut qitiutulerpaa digitalikkut nutaamik saqqummerfik platform ilaatigut ilinniagaqartunut tungatinneqartoq, kalaallit inuussutissarsiortut iluaqutiginnaasaat. Ilisimaneqarpoq kalaallit suliffeqarfiit ilinniagaqarluarsimasunik sulisussarsiortarnerminni ajornakusoortitsisinnasartut, taamatullu nutaamik iliuuseqartoqarnerani neriuuteqalersitsivoq ilinniagaqartut suliffeqarfinnut taamatut imminnut nittarsaannissaminnut periarfissaqalerperat, ilinniarfimmilu qaffasinnerusumi ilinniagarfik naammassereerunikkut Kalaallit Nunaanni inuussutissarsiortarnermut uterlutik.

- Peqatigiiffiup atuunnerani ukiuni siullerni platformiornissaq qitiutissimavarput, tamatumaa inuussutissarsiummik aallarniiniartut tapersersussallugit. Mentoregarnissamut aqqutissutissamik ineriartortitsisimavugut nutaamik inuussutissarsiummik aallartitsisunut aamma ataatsimoorfissaqalersitsilluta, tassani niuernikkut ineriartortarnermi tapersersoqatigiittoqartarluni, taamatut oqaluttuarpoq pisortaq Morten Larsen peqatigiiffiup allaffiani Filmbyenimi Aarhusimiittumi.

Sulisussarsiorneq

- Ukioq manna platformip ineriartortinneqarnera sammivarput, tassani ilinniagaqartut piginnaasaminnik avammut nittarsaassisinnallutik, taamatut periarfissaqasapput suliffeqarfinnik attaveqatigiinnissamut. Ilinniagaqartut arlaqartut platformimiilersippagut, massakkullu ulapputigaarput sulimerlanerusut pissarsiarinnissaat, Morten Larsen ilisimatitsivoq.

Ilinniagaqartut aamma inuussutissarsiortut imminnut qaninnerulernissaat taamaalluni siunertari-

neqarpoq, tamanna ilutigalugu Nukigap inuussutit netværkeqalernissaannik tapersersorpai, tamanna suliffeqarnermi qaffakkiartornissamut pingaaruteqarluinnarmat.

Nukigap aallagarpassuinut aallaavisoq aqqutissarpassuarni digitaliusunit toqqammaveqarpoq, asartuineri unamminartunik atorunnaarsitsisartoq Kalaallit Nunaat aamma nunarsuup sinnera pineqartillugu.

Tunngaviit marluk

Morten Larsen misigisaqarniarluni aningaasanik atuineri aamma dramaturgi-mi kandidatit ilinniagaqartuuvoq, taassuma pissusissamisoortut suliasat isigaa peqatigiiffimmi sulinissaq, tassani suliasat suliffimmik aallarniernermit/inuussutissarsiortarnermut aamma kulturimut tunngassuteqarlutik.

- Inuussutissarsiuteqarneq kulturimik toqqammaveqanngitsoq eqqartorneqarsinnaanngilaq. Aamma eqqumiitsuliortut tassaapputaaq inuussutissarsiummik aallarniisuusut, nassuiaavoq.

Nukigap kulturikkut toqqamma via taamaalluni kulturikkut suleqatigiinnernik nutaanik pilersitsivoq Kalaallit Nunaannillu ilisimasaqarnerulernissamik siaruarternermik siunertaqartuulluni – soorlu assersuutigalugu nittartakkami digitalikkut toqqammavik aqqutigalugu taaguuteqartoq »Stemmer fra Grønland« (Kalaallit Nunaannit nipit, nuts.), tassani kulturimik suliaqartorpasuit kalaallit sunik tamanik eqqartuullutik.

Aningaasaqarneq

Erhvervsstyrelsenimit aamma Kultur- og Slotsstyrelsenimit aningaasaliissutiginneqartut digitalimik Nukigamik aallartitsinermit tunngaviliisuupput. Erhvervsstyrelsenimit aningaasat 2022-p naaneranut matussusiissapput. Kisianni

tassa siunertaavoq tamatumaa kingornatigut namminiilernissaq.

- Piffissami aggersumi suliasarput aammattaaq tassaavoq suliaqarnissamut pilersaarusiornissaq. Aap, uagut nammineq aningaasarsiortussaavugut. Suliasaq anner-tooq, kisianni isumalluarpuqa, Nukigap pisortaa, ilaatigut inuussutissarsiortarnermi suliffeqarfinnit ilaasortaqaarnissamut kiisalu aningaasaateqarfinnit aningaasarsiortarnerissamut periarfissanik takorluuisuusoq.

Isumalluarneranut tunngavivoq aammattaaq kalaallit suliffeqarfiutaat kisimik peqatigiiffiup sulinerata iluaqutaaneramik misigitinneqassanngimmata. Dansk it aamma nunami allamiut suliffeqarfiutaat Kalaallit Nunaanni

suliaqartinneqarput, taakkunungalu marluinnik oqaasilik sulisoriisallugu pilersarsigaluttuinnasaaq.

Inuussutissarsiorneq pillugu isumasioqatigiittoqas-sanngilaq

Kalaallit inuussutissarsiortarnermik ingerlatsivii angisuut arlaqartut ukiumi siullermi tapersersuisutut Nukigap inuussutissarsiortarnermik isumasioqatigiittisineranut tapiisuteqarput, Aarhusimi aamma Odenseimi ingerlanneqarmata. Pilersaarutaanngilaq ukioq manna inuussutissarsiorneq pillugu isumasioqatigiittoqarnissaa, kulturimut tunngasut suliniutissat arlaqartut coronamik nappaalaneq pissutigalugu taamaatiinnarne-

qarmata. Puigorneqassanngillalli, maanna inuiaqatigiit ammaqqinnerani tamakku ingerlanneqalisapput.

- Ilinniagaqartut attaveqatigiittarfiissaannik pitsaasumik peqarnissaa aamma qitiutissimavarput, kikkullu tamaasa kajumissaarpavut saaffigeqqulluta tamatumani ilaarusukkunik, Morten Larsen oqaluttuarpoq. Nukigami Morten Larsenip saniatigut Signe Davidsen, suliniutinut aamma ineriartortitsineramik suliaqartoq, Stine Østergaard, attaveqatigiinnermik, Amanda MacLeod, praktiker-toq, aamma Malu Rosing, Københavnimi aallaaveqarluni ilinniagaqartunik ilaasortassarsiortoq, peqataapput.



Morten Larsen Filmbyenimi Nukigap allaffianit Aarhus Havnimut isikkiveqarpoq, tassani kunngikkormiut umiarsuaat taleqqavoq Nukigap pisortaa apersorneqarmat.

Morten Larsen har fra Nukigas kontor i Filmbyen udsigt ud over Aarhus Havn, hvor kongeskibet lå til kaj, da Nukiga-direktøren blev interviewet.

Nukiga aamma Aarhus Festuge

Ulluni makkunanerpiq Aarhusimi Festuge ingerlanneqarnerani Aarhusimi Kalaallit Illutaata eqqaani nanorsuaq otte meterisut angissuseqartoq kikkunnik tamanik aggersaavoq kalaallit eqqumiitsuliaannik aamma kulturiannik qanimut takunninnissaannut.

PI/SPS Najugaq Qimannagu ilinniagaqartut 16-it Nuummeersut Aarhusimut angalapput danskilua VIA University College-mit pædagogit ilinniakkamik ingerlataqartut peqatigalugit pingasunngornermi septembarip aallaqqaataani ullormut arlaleriarlutik isiginnaagassiamik takutitsissapput Sassuma Arnaanik oqaluttuaq aallaavigalugu aamma takutitsissutigissallugu taaguutilik "Army og Polar Bears".

Nanorsuaq siornatigut Kalaallit Nunaanni illoqarfinni assigiinngitsuni sisamani angallanneqareerpoq, ilaqartinneqarpoq workshopinik inutaqartinneqartunik marlunnik, tassanga takuniaasut kalaalerpaluttunik tunuliaqutaqartinneqartuni assilineqarsinnaallutik, nipinut assigiinngitsunut akuliutissinneqarlutik aamma robotinik sanatinneqarlutillu pinnguartinneqarlutik. Ilinniagaqartut aamma siunissami Kalaallit Nunaanni siunissamut takorluukkat isumasiorarniarpaat aamma ingerlateqqillugit Nukigamit tusagassiutitigut nalunaarummi taamatut allassimavoq.